

萬事從今總不干十年瀟灑隱林巒三千功
滿朝元去半夜騎龍到廣寒
和氣周流正性閑煉神合道出塵埃騰空撒
手乘風去回首人間不再來
西雲集卷下

勿齋先生文集卷上

同見

幼賜高志對聖長音齊門年開山山陽晉撰
太一官清心齋謝陳提舉

茅洞煙深繆執住山之芥竹宮天近忽須赴
隴之書姓名誤徹於冕旒行輩輒先於冠禍
竊惟祠嚴太一是謂貴神星應少微故名高
士富建紹乾淳之際多集由園綺之臣召對
禁中每談經而論道放還物外且錫號以賜
書比年以來此事俱廢何者踈越而徑入甚
於車載而斗量一洗而九馬空成服明公之
能斷數行而彩鳳詔庶有異人之肯來如某
者平九無奇孤潔自守結習偶隨於筆硯蹤
跡遂過於江湖名山大川所到領攬諸老先
輩于時從遊間結屋以聚書將息陰而休影
濫修煙霞之長悅驚歲月之侵二十年不入
修門果能此道見五千言東之高閣未喪斯文
俄有命以自天俾陳力而就到即清夜藜燈
之地掃積年鋪席之塵母若宗人然借曰薰
藉之殊器猶吾崔子也或疑虎鼠之同官修
文輔教苟效寸長歸美報上庶伸素志終愧

荒唐之學難訓希闕之恩益蓋恭遇其性稟
高明射持溫恪聖經賢傳匯玉海於宵中秀
句英詞縉錦囊於筆底書畫詣鍾王之妙談
鋒透老釋之微公餘蕭散於園池客至從容
於詩酒如其穎拔樂以甄收甚感佩隆私激
昂晚節仰祝聖人之壽常瞻太尉之尊十事
囊封切慕愛君之种放三書袖入仍希望闕
之嵩高稍別庸流式訓異遇

代失儀降官謝丞相

摺屏弗恭愆儀九陛糾彈曰可貶秩一階戴
皇慈寬大之恩絲廟論優容之賜合誅而貸
識感于慙某塵翳性天津迷學海半世徒勞
於章布一官竊蔭於眷紳愛子教之以忠僅
守過庭之訓事君犯而無隱永懷聽闕之誠
自祗徒於簡書每飾躬於永藥專湖學製開
邊粗給於軍需見蘭諸員丞攝郡嘗被於荒政
滂叨列刻重累洪鈞分符服領以南矯首泰
階之下問民疾苦安得中和以作詩歌藉國
威靈所幸豐登而少公事璧苟全於細滿玉
愛食於長安負辰當陽方披奏牘墜笏于地

違失朝儀初非天之違類若有物以掣肘碎
牙俯拾敢希前輩之高風柱頰遊觀空羨西
山之爽氣槐綠之羞莫掩新祭之刑曷迷負
芒以還席藁而待議從忠厚第削籍於宜教
施及顛隋尚寓形於垓北頭顧自省骨肉知
歸茲蓋恭遇某咸一德以享天兼三王而施
事聲色不動作成擊泚之精忠名德相望保
用問暮之故物因侍運屢之謙曲陳末減之
條全此微蹤寘之薄罰某敢不銘藏厚德轍
戒前非加恐懼以修身期周旋之中禮抽手
版付丞相休閒敢負於明時奉介圭觀我王
入對或存於他日其為推謝罔既敷刊

代賀丞相除太傅

恭審數制大建報功真宰帝怡愉而奉太后
載加冊王之稱公變理以備周官爰正面槐
之席事光典禮慶浹臣工茲蓋恭遇某柱石
壯材着龜先見五百歲孕靈於海岳二十年
宅揆於廟堂擁昭立宣不動色而安天下平
淮縛蔡當戮力而復中原精裡既肇於南郊
介福聿臻於王母集播紳而歸美寫琬琰以

成章法駕東朝肅領皇儀之盛玉音中出詠
璿公傳之榮韓田併衍於膏腴鼎路益隆於
體貌坐而論道對不呼名作宋一經見聖君
而賢相封齊四履鈞異姓以真王某託命大
鈞勞心小邑捧黃麻而欲舞望赤舄以無階
時芻蕘時模稜方備潢池之盜作蓋梅作趨
藥永向巖石之瞻

兼領旌德觀都監謝京尹趙節齋與

歸粵杞菊擬乞閑身領撫湖山迺兼祕宇雖
大府體名持之意恐先賢懷拜信之疑竊惟
觀以道名境隨人重知章有學始專鑑曲之
煙波清老能詩故奉金陵之香火倘酒甕飯
囊之輩徒齋鍾粥鼓之羞伏念某略帶書癡
未除劍氣一疑足安於晚節十齋再入於舊
巢之萬高平賊之書漫云請闕無兼衣通神
之術敢望某官片文隻字屢送上方敗屋頹
牆如在傳舍公即清心而憐客吏言旌德之
缺人疏檄寵頒緜緜斛俱至以高士為主簿或
譏喬木之下驚從天子作門生焉用小兒之
素馬雖私景居山三營別館而堯夫在洛十

置行當使學徒有所指歸與者舊相為款密
至若現白鶴者按行於林屋袖青蛇者飛過
於洞庭何得拘擊等是遊戲為節齋一出不
惡向長隄獨步亦佳茲蓋某堂堂乎漢宗英
綽綽然京兆尹大而筆橐補家職之闕細而
薪米得都人之歡問小隊以行春正新亭之
出日問坡仙之何在周旋靖白於一堂喚彌
明於此來管領侯劉之二子山判不移於請
囑玉音特許其往還某敢不強賦梅花賸裁
楊柳環數十里皆水洗清坐客之俗塵後三
百年有人增入黃圖之新志

謝運使江古心萬里請位玉隆

兩街應制竊依藜杖之光十國出符伴轄錦
帷之衆溢榮褒於疏請借壯觀於齋居試言
道家之大山莫若旌陽之故宅冠袍所聚之
地領袖必得其人過者垂從多買遊談之頰
舌從而添指誰惜常住之眼珠此曹自輕吾
道幾墜伏念某江湖漂泊木石冥頑未能茹
商皓之芝固嘗護許君之柏因元戎枉駕以
灰止為同列爭席而翩然識面目於山中屢

作天寶翠巖之夢送頭皮於官裏誤陪甘泉
 泰時之祠因內醮以進詩辱上恩而潤筆俯
 加訓諭未許言歸望閣公都督之構政慚素
 昧設徐孺高士之榻忽傳好音熊魚雖欲而
 莫兼猿鶴殆驚而且怨蓋蓋伏遇某名高日
 月威振風霜訪六一翁龍岡之居登進郡最
 創二十士驚洲之學作成人才游移青絲玉
 節之華併領畫棟朱簾之勝爰披圖而問俗
 信拔宅以飛仙頗聞騰勝之區久缺焚修之
 長群鴉爭鼠已在吾目獨鶴昂鷄孰當人心
 左游丘右洪崖百聞不如一見近皇甫遠居
 易三占則從二言某何德以堪不求而得價
 非高於少室身難出於長安舍己事以勤館
 人申誦他日從公之語趨霜天而收柿栗空
 吟昨宵夢母之詩未先素榆尚可桃李

謝何漕卿請住玉隆不赴

懷歸得告暫離藥殿之班領衆修真府辱星
 臺之命屬愆期而卧疾方靈奏以祈闕玉音
 未俞鼎語奚答賤遊惟之福地虛轄席者許
 時豈郡仙之靈在天故悠悠而弄印蓋大府

之明如日不草草以卑人破信然投骨之爭
 俛角者為麟之出果爭與論必費冥搜如其
 者厭江湖而知休甘草木以俱腐三年去國
 誤叨命召之榮十載佳山自笑身謀之拙錄
 剛腸而嫉惡第洗手以奉公囊錢雖慳戶屨
 粗滿前使者從而過聽今明公所取材置
 驛傳書示軍將打門之喜送州津路移太守
 勸駕之勤雖名稱而隸於帝旁恐職業難共
 於威下兩微不起初非少室之山人一榻縱
 懸定有南州之高士先副權衡之選庶新鐘
 鼓之聲慈蓋伏遇某為儒者宗真宰相器當
 乘輅而問俗亟植義以臨民今下棘園無織
 譁於戰蟻手摩鐵柱有大連於屠蛟遙瞻井
 柏之陰森慨惜香花之宰落孰為主宰謀及
 國人忘虎符龍節之尊加鶴覽鹿冠之禮某
 居憐薄命仰負盛心黑笠垂雲阻訪洪崖之
 舊未簾捲雨尚從滕閣之遊公如遠歸僕則
 遲聽

謝郡守潘戶部減糶

烏條謁郡敢賸貨藥之僊白繫送倉特損敷

苗之穉即福地洞天而區別俾齋鐘粥鼓以
 交鳴一飯知恩雙壇壽壽書故問皂投田之
 藉失於紹興經界之時南曰陽北曰陰沃壤
 咸歸於富室高不早下不水豐年粗給於常
 堂會祠牒之日廉致食單之雲集朝廷初行
 儲蓄之令官吏爭持操切之權違累聖勅旨
 而弗獨與三邑編氓而均配搜財猶肉揀粒
 如珠忍令田里之怨嗟皇恤山林之飢餓某
 濫居官轄合轉食輸因泉口之嗽救動我心
 之戚戚既乏鬼兵之運粟真愁縣令之破家
 期兒童迎細侯除道幸先於紫馬定舍館見
 長者入城爰跨於青驄冒陳千一之愚樂殺
 什三之數文移庾氏究同魯肅之指困惠及
 山人不費真卿之作帖所持者挾其說無疆
 茲蓋恭遇某秀出坤維望高乾緯一命落瞿
 唐之棹十年參文石之靴有宅占水精宮中
 自適其適無書至光範門下時行則行逆剖
 漢符遠臨蕭渚謂吾年五十姑守茲土然歲
 糶十萬幾倍他州推赤子內溝中莫救前人
 之失祭名山在境內務令廣衆之安於招徠

補發之間示委曲代輸之意其敢不謹待杓柄仍卜燈花飯顆瘦生戴笠已憐於杜甫酒材春之卧樓更念於洪崖忘其在陳輒爾望蜀

謝句容王宰斷刺盜柏賊

山木千章素嚴樵禁官墻數仞輒入偷兒斧痕幾類於乾陵公事遂干於偃室極懲不貸厚德何窮竊惟王母桃紅兒三嘗而啖帝重君杏熟虎四出以啄人神仙幻化固未易竊寇竊侵漁且不能免而况槎居海上駕乘或犯於斗牛桂在月中斬伐猶驚於蟾兔吏徒武昌門西之柳童抱杜陵屋上之茅誰無六根天亦五賊伏念某液滿曷用盤錯非長許柏葛杉俱曾灑掃交梨火棗久自栽培來從句曲之三茅擬種玄都之千樹月明有鶴方吟峯頂之松澗響無人俄失庭前之柏雖異乎四十圍之溜雨本望其八千歲以為秋不堪鼠輩之欺髮出羽流之嗾慢藏誨盜非無鎖於洞門悉上送官蒙函囚之獄戶一辭毋隱五聽兼詳幸未爛於樵柯僅半存於隍鹿

見豕遇雨吉慶竟鄰里之呼荷校滅身凶悍按市朝之捷山賊寒心於路側樹精快意於城南匪賢令尹哀丁丁之聲則群不逞將旦旦而伐茲蓋恭遇某名香仙籍家近旃林苗裔三槐待擎天而作柱襟期五柳試滿縣以栽花愛人材於拱把之微恐山林有童顛之醜際此穿墻之鼠妙於食豆之難未論檜頂之昇僊足使桐鄉之愛我某守株知緣採霍懷慚期畫割於藩籬怕愈加於刀鋸召賊曹呼五百已銜赤縣之恩效隱者管卷吏高奮嵩高之勇莫如自治不在多言

謝縣宰免伐墓樟

墓木拱矣諸孫均霜露之懷匠石過之令尹赦斧斤之厄閭宗感涕行路齋嗟蓋開宰有民人一縣常誇於桃李誰無父祖九原謹護於松楸故法垂穿心禁步之條而禮著為室斬丘之戒曠言冷族居旁先塋墻間之祭序以衣冠相承累世江邊之樹狀如車蓋其大十圍陰陽家謂蔭益之宜子姪輩起科名之望適驥弟呼盧而罔利致貪夫駟僮以獻官

八亡書存操二十七年之白契神出鬼沒輸一萬千數之青銅巨堪刻木之舞文直為老樟而買命於因丹活縱擊呂仙之墨籃筋以姬完儘帶黃巢之劍跡茲蓋恭遇某英標營壑定力擎天明堂梁棟有待於相材巖邑絲桐聊尋於寶氣市生柴炊塵飢初不與百姓交聽大風敗重門何以令衆庶見爰求鉅價載立崇闕庸新萬目之觀豈吝千金之費某亭之豬可祭也固莫逃黃霸之神吾子於虎又死馬決不墮泰山之猛桃且裁而未去桂雖斫而無痕苟非當家孰錫爾類其藤蘿息夢葛藟知元思召伯於甘棠之陰遺愛敢忘於勿翦畫道士於枯木之下深根庶係於長生

謝郡守王監簿

得食侯門歸休已晚克負主席董率何堪捧郡檄以知慚蓮公墀而言謝嘗聞山川以人而輕重鐘鼓隨時而盛衰維張葛雙壇記寰宇之福地有陳黃二士列政和之道官後先領袖以俱賢內外規模而畢備夫何近世頓

異前修頑嚚之惡滔天清靜之風掃地况秋
 田之絕穗致午飢之生塵中鉢如雲政張順
 而待哺犁鋤得雨須乞糶以贍耕倉苗未了
 於半輸縣稅早行於預借負逾山積宿蠹根
 深必表裏練達之人辨上下煎熬之事如某
 者稟資苦薄識字無奇因浪走於四方偶從
 遊於諸老拄杖探桂林之洞推蓬讀洛水之
 碑八月觀潮屢倚樓於江下三更謀虜草
 檄於淮南謁海陵神翁之居酌黍石謫仙之
 墓騎驢而訪趙使招鶴而謁西山沂清漲而
 登鬱孤攀赤城而眺桐栢舟泛鑑湖之月觴
 流曲水之波卧念平生轍幾環於天下來歸
 故隱屋方就於雲邊編排滿架之官書布置
 繞牆之仙藥自甘終老無復他求誠知桂館
 竹官峯光京闕亦有石壇花院錯落家鄉由
 來天上無憑惜仙馬用世間不啻啣漢彼以
 爵而吾義人皆醉而我醒忽紙卷之探名上
 之官府辱筆頭之加點付以家山固貪青眼
 之榮奈破白身之戒甫消履而隸役時拊已
 以捫藁學問未充曷扶持於風教材猷不敏

定敗缺於公私非惟作杞菊之羞又將為桃
 李之玷茲蓋恭遇某名高黃甲班在紫宸別
 駕鐔津威鎮千村之狐兔專城瀟渚化行三
 邑之豚魚人妖首破於黔胥女魁適罹於旱
 歲愛民如子移粟於河振貸而活青州親見
 富公之陰德吐握而延白屋尤推姬旦之盛
 心故雖山林下人亦或俎豆間物女裳者鶴
 誤墨而蠅某敢不並緣詩書渝棐泉石庶幾
 我靜而民正萬一老安而少懷富壽多男從
 華封而祝帝中和樂職效益部以歌襄恐越
 歸列宿之行使遽失二天之託其於依戴罔
 既鋪陳

回臨江趙倅

一鶴玄裳甫現泥試雙魚尺素忽到巖扉緊
 盈幅以成文墜多儀而為貺誦藏無數感耀
 俱深嘗謂高尚者不事王侯神仙者間遊塵
 市隱圖南於華頂貴客自來現洞賓於岳陽
 時人不識若夫住山應世出郭呈身平生所
 養已多一見安得如故比承某題輿榮上迓
 騎續前臣非黃冠師敢廢郊迎之禮公下白

屋士獲瞻山立之標小詩蚓竅而蠅聲歸夢
 鹿眠而鵬掛詎期專介寵俾芳函刺贊心刻
 箴誠信共西山之臭味投筆授墨馬解子雲
 之覃思織蕉輕過於五銖釀桂香醲於一棹
 監州有饋行路皆驚某倦客江湖濫尸泉石
 幸依劉於此地知說項者何人文士中朝誰
 興懷於羽褐樵夫前路果乘暇於青鞋祗候
 按行庶幾傾倒文士煎鞋皆
來刺中語

近郡守章吏部

銀克宅牧重境內之名山竹馬迎新喚雲間
 之孤鶴除道審實臣之至候關移尹喜之恭
 親以爭先禮云賀上敬惟其名垂宇宙學貫
 天人祖笏父衣鴈塔聯題於數世卿珪從索
 龍門獨擅於一時帝曰象賢官為博士晉編
 摩於宥府參綜覈於銓曹因襖被以退朝迺
 剖符而更治畫錦略榮於沈井曉帆恰漲於
 蕭灘五馬不受二毛方富壯歲兩劉以及三
 孔親挹遺風坐令安靜之化行疇見中和之
 詩作然念斯民之困僅書去載之豐敷上產
 以隨苗樂錫稻梁於南畝指清江而索楮類

尋杜若於芳洲舊新之券俱輕公私之蓄咸
匱不有鞭霆之手曷施活國之方珥筆一雙
首轉移於風俗去天尺五亟選表於公卿伏
念亦逃儒自初進道不敷未辦九選之鼎浪
升諸老之堂油幕從軍撤膏供於盾墨金門
應制杖仍照於藜燈幸得請而號最閑合掩
關而作高卧誤狗家山之衆海登主席之虛
由外侮以闕墻忍旁觀而縮手吾何愛此憤
使君實重於挽留人或彎其弓兒輩輒從而
傾軋望旗旄之戾止信衡鑑之瞭然入岳陽
謂子京非敢眩馭中之藥如全椒遇應物庶
容拾澗底之薪贊倚兼廬鋪罔既

上提刑蕭大著

聞公子之名有日矣方圖上謁於霜臺謂處
士之虛無人焉頗覺包羞於雲壑亟載短輦
仰濱巖威蓋聞君子小人有同牛驥深山大
澤實生龍蛇雖物情什伯之不齊豈書策二
三之無取賢如滅明必不至於偃之室學如
子路亦奚為於丘之門皇華賁貴於林塘王
氣倍添於草木神仙弗速但消金鎖之掣閉

車馬曾看未坐蘆花之深入畏權嚙向人之
熱笑敲推衡尹之狂刺字縱漫吾古儘在忽
睹折屋五花之判幾令教門一葉之輕彼雀
角鼠牙聽訟固煩於召伯若龍頭豕腹聯詩
寧之於彌明不勝懽然與語之慚殆有招之
使來之意恭惟其儒宗學博王佐才高紹唐
室之相家瑤將及邁比漢朝之人傑吾不如
何既躋蓬山清切之聯宜掌藏省雄嚴之制
出節肯臨於廣部登舍全活於饑氓就者繡
衣閑登席帽翔而後集授代之舉甚高死者
復生平反之德滋洽詒暑囚而親錄言風駕
以周諏二使星明身俯趨於寶璋五原兩足
手倒挽於銀河毋庸滂皇恐之灘當徑侍通
明之殿某謀身素拙於道無聞傳食四方不
作蠅營而狗苟歸休一壑可堪鶴怨以猿驚
正抖擻於塵編且摩挲於丹竈堅柴高而塵
俗客抱瓦缶以雜畦丁薄聞攬轡以按行莫
敢曳裾而造請春秋之貶猥及其類左右之
容孰為之先異三子者言點也倘蒙於殊顧
扣兩端而竭鄙夫恐坐於同科為容解嘲豈

予好辯

辭岳漕

使臣嚮有光將大轉木牛之粟先生飯不足
緣新移玉女之厨嘗聞先之齊家果於此乎
觀政其嗟可去惡得無辭其維其欠負郭二
頃田不自樂陋巷一簞食故起單於千里遂
傳食於諸侯門外東方何曾飽死山頭杜甫
元自瘦生備嘗殘杯冷炙之悲辛已決早韭
晚菘之歸計公由中而補外客驅去而復還
推鼓擊鮮或說逢辰之有章張願待哺馬知
過午而未餐以塗民之耳目為令太苛倘累
人以口腹於禮執重借令東子圍茂亦能押
樂張匙忍聽無天鼓鼓之雷笑玩行地亭亭
之日不起筆吏誰哀王孫既且羹得則生雖
單具易為食果念及門東之索禮貌有虧第
詰諸竈下之炊司存自謹豈期鞭扑及速與
臺縱投鼠何忌之云然打鴨之驚莫甚酒不
及而公榮無恙猶別親踈雖忘設則務生竟
行當明去就若尚懷懸豆之念是愈負伐檀
之議恭惟其靈天英靈有祖風烈為肥甘自

足於口每苦樂快同乎人搗油幢百萬之兵
曾趨漣水養珠履三千之客未逃春申偶然
忘由己之飢非不推食我之食曲行懲戒猶
示等差與其妻瑣瑣細故以撓人何患無磊
磊奇士以赴我請從此逝幸聽其歸因黃梁
而悟夢魂休說邯鄲之富貴有青精以好顏
色別為梁宋之遊遊懷刺在庭結裝問路

回太一吳郡監

太一燈明濫陪諸老蘇公堤近因就三賢得
之聊當於行寓議者或譏於幽谷伏承某法
參晉猛詩續唐均降膝六於中宵思榮象笏
挈鬱儀於左手光溢烏輪不惟精禱祠之書
抑且造修煉之妙方賡酬而相樂念離合之
有時華以大篇介之多餽旁出固慚於兔窟
暮歸尚借於燕巢喚真人蓮葉之舟可能訪
我續處士梅花之句定合輪君感在心藏謝
容面盡

右街鑿義謝提舉

身返齋居僅循故步禮成官謝過伴初街信
名器不可假人顧富貴何有於我非容還勅

殊覺厚頽伏念某苦無伎能頗有氣性清心
獨處難求師友之親白首重來不廢君臣之
義好賜壺頌於箱篋文詞每達於冕旒未報
主恩幸逢宗祀萬花簇駕獲觀天仗之儀一
札降廷忽預道官之選論知事則未擅任責

教法師則符水通靈誰謂崇愚儼同會伍茲
蓋某事上畏謹如道慈悲憐千里之遠來頭
銜未改忍一夫之獨泣脚迹同升昔聞經略
之大師今見焚修之高士某臂枯欲脫囊澀
休看非錢不行免上貼麻之請有書可讀但
願乞骸而歸

太一宮宮主謝提舉

心清事簡謹守齋規恩重望輕躡參官務雖
奏言之神速奈材具之荒疎竊惟貴神所宅
甲於御前道家者流仰之天上夫何近歲頗
異前聞非患非莊莫識濛濛之趣若擬若毅
俱為博塞之遊讀黃庭者誤字固多點周易
者研未能幾習違批於市井孤涵養於朝廷
欲挽頽波必資定力如某者知身有患於世
無營既撲披以還鄉復招旌而赴闕舍近取

遠事者御筆之新除辭尊居卑但保青龜之
舊物效筆黜於陋巷憶笋簾於春山倍賞彌
綸使填領袖與人而問所欲掉頭即控於牢
詞知我者謂何求觀面訖承於寵渥曷出諸
君之右輒居方丈之西因閑就冗已夫本心

欲去翻留真成緣計茲蓋某典刑前輩骨相
靡仙丹暖三田不服少年之藥香凝一室閑
看平旦之經佩彤弓狐矢以事君禱桂館竹
宮而保國九倭樓之羽服均披拂之春風某
敢不洗手奉公直躬率下少課焚修之報益
權進退之宜信今日之受非難遂大君之命
期來年然後已幸容處士之歸

謝徐叔寬見訪

解陳著之榻風暮當家訪子雲之亭忽臨吾
地惜定交之不蚤辱委贄以甚勤伏惟某雙
劍產靈五車飽讀體物瀏亮每叉手而賦成
得風扶搖歎摘髭之第晚鼓篋熱蘆蘆之味
擔簦攜山川之奇窮當益堅威不能屈曰恭
寬信敏惠兄弟以此聊相對於紫荆從賢能
俊秀升即齊攀於丹桂某巖棲且老戶間誰

來捧駢儷之大篇識清修之儻客楊氏為我
諒無拔毛利天下之識徐卿生兒申誦回頭
驚賓客之句永歌不足小住為佳

回鄒元叔謝給飯牌

勸羅及山方隨苗於上產給符自庫運羅飯
於先生非惟見憐客之心蓋亦示隆師之意
行供已久言謝何遲恭惟其富有紙田親傳
書種怕入長安而炊桂肯從閩粵以飯蔬諸
弟子事茲有年或笑從徒而坐坐大丈夫不
能自食雅應違食以療飢雖珠孟子之養鍾
庸免顏回之執爨將軍未老從者皆與此日
一簞匙漫抄於雲子他年五鼎梓定進於賓
郎其夙負素困偶開舊店嗟吾山之豆落羨
君谷之春生母嗜館焦歸遂承顏之樂兄因
釜頤毋貽珍臂之嫌去榻即懸新條猶在

回茅山白雲觀林管轄

懸榻重來羞見堂前之青草賦書遠至曾分
願上之白雲當暑讀之有風清甚恭惟其養
脫逢掖勇求還丹發言為詩類不食煙火語
得時行道間亦結粥飯緣偶然值大兵而凶

年聊爾依阿姊於明月竹簾一札入踐兩街
去年華向凋世味俱薄斷送未甘於官裏遊
戲只在乎人間我自倒行徒識子雲之字君
如哂笑同尋和靖之梅

回周子魯催詩

比承風馭肯顧雲高接慶尾之談信無虛士
尔牛腰之軸云是鉅公泐貽儷之緘標索
平凡之句方乞為寒水玉何以報綠綺琴詩
三百雖多奚為徒累洪崖葛袖之僕母七十
相依為命緬懷萬高柿粟之居深慚短章莫
究盛事擊唾壺而略讀覆瓿以無疑

回雷應雷

歸閑一壑為去國之外臣投贄兩章有扣門
之熱客問其甲子生以庚辰正老泉讀書之
年亦康節望兒之歲高吟不讓遠到何疑謂
童子出視之試驗雷琴之清濁與先生並行
也須震佩之韻頌

回王秀才謝會

袖詩過我方嘆識面之遲樽酒延賓乃各墮
脈之厄維名山非容易可到幸佳客肯無翻

而來本期衡嶽之雲開不料石頭之路滑蓋
文章類脫腕之敏而官職有折臂之祥偏袒
而露右肩想費良醫之塗抹持螯而用左手
還容老子之周旋

回曾道士求掛搭

三書詰闕馬用詩囊六驗歸堂合呈飯鈔縱
使無心而出岫豈應空手以入山舊識雖多
清規難奈學行脚去恐遭同舍之鵬取告身
來便駐橫江之鶴願文為惠佩意良勤

回趙簽判還管轄帖

息事優老擬變前規求遠得違甚非本志畫
樞重千金之身打門驚雙屨之扶古杉欲搖
頑石亦駭念鳥飛之火倦况懸技以俱窮三
叉路口已悔迷塗百尺竿頭為能進步無阿
堵物從而回買非軍資庫可以寄留折洛陽
者舊之書幸察竟夫之非傲謝鄉里小兒之
米容教靖節之早歸略具粟酬切析於體

回聶秀才

緇榻還鄉竊衣夜行之錦珠璣擲地誰書畫
卧之裙偶飛夢以遊仙遂愆儀於蕭零伏惟

某名居天北舉振湖南秀才三耳憶昔過從
觀音千手矣今留挽莫遂樽酒論文之歎徒
深屋梁落月之懷冠履蒙蒙俟他時之和會
執袍手版勉即日之榮登

回張副官賀封額

鬼域混并緣作雙壇之長仙龍幸會併疏九
陛之恩未論吾教之有人聊補此山之缺典
伏承某應酬局熱佐使功深詣闕休上書期
挽河而洗甲坐石時得句甘捧鉢以抄雲鋪
張大篇光耀老眼某無他私意利我公家紫
誥黃麻偶成勳於一旦素書青策猶借舉於
諸方

回陳管轄

某松篁歲晚膠漆年多擊竹而和踏歌高壽
仙侶眠雲而謝丹詔遠振祖風雜旗鏜迎導
之聲惠金石鏗鏘之句某髮俱雪矣筆匪採
如老馬為駒殊悔六州之錯後人收果儘多
九府之園

回黃講師

某良心止水講舌生風讀易而至得真竊鄙

屠蛟之塔入山而過碩石親見牧羊之兄吟
詩七言夸我二美某名隨訪得事以志成帝
命維新辱權衡於楊子祖風可掇勉水鉢於
譚君

回王監官

某棲心造道餘事談兵續孤鶩落霞之文身
慣遊於南浦投七星斬邪之劍派親接於癩
堂喜曠典之秩神賦新篇而遺我某偶然集
事久矣妨賢後後二王曷發才難之歎軍中
一范尚觀戰勝之功

再領官事回陳溪山

太一天貴神揖別竹宮之香火青袍吾舊物
喚醒葛岫之煙霞群譏驅去而復還誰識放
行而把住通動膠漆之友寵惠珠璣之為路
揮車吹覆舟固人心之難料水斷蛟陸刺革
惟吾力之猶能毋袖手以旁觀庶開誠而忠
告

代上趙憲催春劑

緬衣立霄漢之春發生有日寶塔合浮圖之
頤望賜如天游馳不映之辭拱聽惟新之令

竊攻選曹之立法最嚴憲節之舉賢於州縣
吏率係於部封一欵一訟審觀其職業繼圖
衆刺必出我門紙淮南鴻寶之丹孰無灰色
得季布黃金之諾諒不食言重念某學淺過
庭材非入帳惟簡書之是畏幸齒髮之方強
能勿勞乎未了癡見之事與其進也甚知文
人之真當迎候於輕輶即發存於敝帚察九
仞之泉於滌井約斗升之水於西江辰來何
遲祇俟孟春之御鐸仕如此急或虞半夜之
負舟忘喋喋之數窮申拳拳之三請恭惟某

間平閩望伊洛淵源用誅王斷國之規任明
刑折獄之寄周原從而歷按顛石為之安留
倚長鉤於唵峒之類鼠子帖服聽明鏡於方
臯之目馬群邊空錄其許可之不輕是以搜
羅而治偏某辱居屬籍願列師門譬傳神政
在阿堵之中如掉羽則便扶搖而上先宗盟
而後異姓維大造之有成待國士而報眾人
非小生之所敢歸休至切敷控冀禱

代干制師史尚書薦舉

擁帥幢開制閩大江均戴於使天攀相象叙

年家小草報於思地顧下寮之塵土仰葵
座之星辰忘其等威控此悃極竊攷累朝龍
虎之榜號多士則有之若求兩家鴻鴈之行
俱三人者鮮矣鼎立臨江之孔台聯香水之
洪從考競秀之榮誰篤同登之契維先君而
二父託端殿之一門半刺史携客而上鬱孤
最崇交於彌幙今丞相省親而道溢浦特枉
顧於纓屏書云情猶兄弟而姓不同意者施
及子孫而思罔替然骨骸龍豬之別故飛翔
鵬鷗之殊可言而言謂進則進伏念基斗筭
何算寸線無長鎖應廟名僅取踏槐之效棘
圍運試尚希賜笏之傳偶遺常之露滿即微
官而東縛讀荆園臨川之集訪蕭洲文選之
棟貴人欲出我門猥蒙推挽幾見待了公事
靡憚勤勞奉食藥以飲冰望望履丹而塗
堅在脫選莫難於職刻而乞靈嘗扣於朱庭
躬洒報函慨垂重諾捧崇垣之疾置增陋解
之榮光與其扶劉公之書畫藉同器孰若致
伯魚之問挑李成蹊庶因萬石之澣常樂以
千金而事帝恭惟其崇於天者渾厚輔以學

而高明身在沙隄習見鳳池之衣鉢量闕溟
海平吞層氣之樓臺十年不出於長安八座
峻躋於冢宰屬邊頭之多變宜江面之無波
用鋪敦淮濱之規模移彈壓章數之手段旨
麾羽扇布置樓船軍聲大振於柳管虜衆悉
潛於草地寬九重之憂顧贊百揆之疇庸父
愛之子亦愛之奇士夙延於東閣主賢者客
必賢者愚人或取於西家未託門墻借滌其
鼠肝顛譯者冒求於鴉炙顧損有餘之惠曲
矜不肖之孤早養土以成山免切泉而棄井
○
生匠石之園長伯樂之廐矣俯仰於他人侍
公休之履拜溫國之堂誓依歸於此世稍圖
植立庸答鈞陶
回王監宮賀宣名
處士歸山仍居宰席使人赴隴促返齋廬升
輅猶假子之選官詰關類胡孫之入袋偶然
洗幽谷之恥或者與捷徑之朝寵詒詩篇極
佩友誼方移庭而勤俗駕敢犯座而應客星
較八斗一石之才言語浪夸於子建觀九尺
四寸之餘功名宜屬於曾交共載而東當復

于上

勿齋先生文集卷上